

路橋志敘

粵摺周官鄉大夫掌其鄉之政教禁令受法於司徒頒之於鄉吏以教其所治登其夫家之多寡必有記載勒為成書可知也漢以三老主教化有秩主贖稅嗇夫主爭訟游徼主禁奸往來仕至大官其時風俗敦厚人才亦最多史袁延為外黃鄉嗇夫仁化大行民但聞嗇夫不知郡縣魏朱邑為桐鄉嗇夫官至大司農願歸葬桐鄉民為立祠魏晉六朝又有中正以品人才而持清議至隋盡罷鄉官一命之士皆選於吏部故但有州郡記而無鄉書矣今傳有激水志海鹽縣顏山襍記益都縣而朱九江集有九江鄉志馮林一集有唯亭志元和縣則皆鄉里之書關係乎政

志上

俗足徵乎文獻宣如山水名勝之編寺觀園林之志而已我國家遠仿古經近采西法今各鄉分設自治公所而路橋為巨鎮山川之蕃育文藝之設施農工之藝術商肆之化屋名人之題咏不有記述後嗣何觀不佞林居多暇老學就杭州創成編略存規勸所願孝友睦姻書之黨正德行道藝考之鄉師則不獨康成表通德之鄉中郎碑庫里之社為千古之美談也興利而除弊務實而去偽又吾黨所矜也生斯土者可不勉旃丁卯秋仲月河鹵隱者謹

路橋志略卷上

黃巖楊晨編門人徐兆章參校

敘地

路橋鎮在黃巖縣東南三十里襟山帶河

河以西為靈山鄉貴豐里河以

東為飛鳧鄉清浮里見志

西北由縣城至府治九十里至省治七百二

十里東北至寧波道三百六十里舊分五保曰河西曰郵

亭曰三橋曰南柵曰河東又南曰石曲

分三保

河西最古附

村最多如西北之後洋葉河西王上洋余董家洋董洙湖

東南之松塘龍頭王決裡陳皆是郵亭外村惟裡洋三橋

惟青泗洋決裡王南柵則田洋王石研下包河東則後洋

志上

一

洪水裡葉後洋張雙夾策下定於及宣統元年立憲設鎮

自治公所選負會議為邑大鎮焉

河西廟前有古樹縣志云俗傳宋時神以侮范真官錡被

謫邑人林愷祖為之傳書報以保嬰秘方刻本有去城志云

宋宣和寇亂偏南鄉：人禱焉翌日與寇戰廟前橋上見

神立空中飛矢石如雨寇驚走南鄉獲全名其橋曰得勝

此謂仙居呂師囊今西北有小橋故老相傳以為明時神

兵助殲倭寇於此廟有繪圖：中人形衣服則似山賊或

者在宋敗仙居寇在明又敗倭兵未能詳也有燈會租百石今大丰充

河西小學

郵亭廟曰中鎮廟以居兩河之中故名廟前有亭古置駟
遞嘉靖壬子燬於倭後人重建名福星亭其東街曰橫街
鎮街皆由北而南惟此
與賣玉巷則由西而東

三橋廟曰雄鎮廟東向賣玉巷官河舊在廟後南北直流
同治十年以邢家言改西而曲上建湧金橋其南小渚曰

蝴蝶渚

南柵廟俗名新殿光緒二十七年重建

河東廟俗名下洋殿東北至沿海各村道皆由此故名廟
有河水亦本直流後改而曲

東岳廟明萬曆間建西向後有三層樓為五保議事公所

志上

二

前令陳輝榜其堂曰鑑堂室曰憩間後廢孫令熹重修顏
曰憩軒光緒十五年樓燬於火軒堂燬焉蔡君楨募捐重
建宏壯有加

歲暮鄉征廡屋岳廟時奉迎老母未至感作即示同志

湘陰吳英樾

早夜思歸畏簡書殘年蕭寺寄僧屋寒宵自課催租吏
秋日曾分調水符守拙陽城甘下考事人柳惠失前車
關山直北霜兼雪况復崎嶇奉板輿

附舊作

百尺高樓氣象新此間風物最宜人筭輿箬舫爭祈社

近水遙山迥出塵倚海魚蝦開曉市平時疇航楫通通津
年豐且享清時樂佩犢遠期里俗醇

關帝廟在岳廟前河曲處本名杰松廟順治十八年徙海
鄉人入內地松門十八姓任李張連茹聞門李等載神象
來立祀於此詳任氏譜鶴泉集云洪武時以世秩守松城
者凡十八姓今門間無傳茹屋南山李屋石
曲弓橋外
有連家

文昌閣在南柵之南河流曲處北向徐山高峯後枕亭山
如辰河環三面人峯在西水色山光最為佳勝後宮祀關
帝前有閣祀奎星斗宮在其旁相傳康熙間曾養性駐兵
於此歷覽形勢命兵築隄成址始立神祠咸豐末年里人

志下

三

重建為文達書院以課生徒是後漸次增修極為壯觀文
風蔚興人樂趨事今并斗宮亦改造矣

登文昌閣

黃 鑑

殘劫生斯土春風創畫樓地形闌北市望眼臨南州草
竊烽旋熄灣環水自流仍憐戎馬客能為一方謀
附舊作

傑閣崢嶸倚斗杓使君當日此停輶雙峯山映三汊水
十里街分五道橋經學靜軒傳世業李先誠生儒宗雲海樹

風標黃先誠生我來花外扶筇立喜聽書聲滿綺寮

北斗宮在河西後洋葉縣志作廣福宮明時道士悟寒子

葉一真建有大銅鐘刻文云一真同妻董妙玄募建偈曰
悟坐蒲團草全非豈曰天作箇乾坤道果破石巖穿
妙智寺在三橋保西向縣志舊名靈感觀音寺俗呼路橋
寺宋建隆元年僧南慧創立如吉成之陸佃為記今不志
城志云有田八百餘畝今寺前街屋有內照菴滌慮軒宋
時名流寓居多題咏焉有順治甲午銅鐘上刻銘詩及官
民姓氏

宿妙智院

王十朋

問訊開山始於今二百年徑幽微見竹社廢尚遺蓮觀
頌思元老游菴憶舊禪匆二一宿客未盡滌塵緣

志上

四

岑象求

聖人重洗心君子貴浴德清心是道場金仙有遺則人
言我慮不須滌我謂幾人能滌得以此息萬緣以此消
六賊君不見水觀月觀成道人盡向此門生妙識
禪翁自說逢迎懶向此開軒最所宜地僻風塵非我事
夜深水月幾人知澄觀萬境皆無物笑指三乘亦有為
行客暫來良自省不堪勤悴鬢成絲

虞策

劉夔

萬事本無心寘容容憲侵方池惟貯月修竹不棲禽地

靜饒真趣風長展梵音有人重稅駕經宿樂幽林

趙抃

山老倚菴名內照掩扉獨坐徒觀妙欲知畢竟是何如
無量壽光逾兩曜

左譽

過眼烟雲是也非桔槔俯仰正兒嬉欲知身世俱無染
看取蓮花在水時

洗盡塵機萬慮空胸中冰鑑許誰同今宵正可談風月
借問何人是阿戎

明僉事孫公道愛祠碑宏治七年立在妙智寺東園王華

志上

五

謨黃浦書已殘泐按縣志宏治中水災海溢孫公必賑漚
至此民為立祠

斗門廟在石曲塘橋側蓋黃太未建六牖之前民居近海

嘗立斗門於此六牖朱子奏立未造向龍昌泰成之
朱子持節至台寔未來黃子別有攷

普澤寺在福泉亭山下舊志云隋開皇中建在新安廟南
宋治平三年賜額乾道九年徙縣東三里明萬曆間復舊
址今則佛殿僧樓多形頽廢野衲幽栖莠童萃止不知為
名古刹已

倉聖祠在三橋東先是蔡二宜徐夢丹謝德蔭等結善
會光緒中建祠近歲里人借設明德小學於此

河西小學堂在河西廟東普明堂後本名育秀義塾同治保皆設小有連佃田七畝長生後洋金由佃田三十畝今存義塾後廢經費不足由燈租席捐撥充

扶輪小學在南柵楊氏祠堂

敦本小學在石曲下保蔡魯封捐率成之未幾為教民侵占及光緒末改設學堂乃復其舊同治間孫令改福智堂主通經義塾後廢

監鎮 嘉定志城志監路橋鎮一武員

按葉水心集邵君墓誌云子持正監台州路橋酒而持正墓誌無酒字蓋宋時有酒稅設官監收持正特為稅官或兼監酒稅他書無徵仍難遽定

志上

六

長浦建檢司 明洪武二十年立海門衛移設界首巡檢

司於長浦官有城尚存收地稅今駐路橋縣志未詳移駐年月相傳

自劉巡司廣福始司書於姓云咸豐四年張培昉始來原設弓兵三十六

名役食銀七十二兩皂隸六名役食銀十二兩宣統二年奉文將弓兵役食銀改撥路橋巡警近又提縣轉撥

文達書院初曰翼文設文昌閣咸豐初年里人置田百畝

以助膏火同治中 先大夫請官撥府義學正鑑倉地八

十畝及螺嶼凌雲寺山廿三畝地三畝與與樊川分益之

又請撥縣糧平餘錢歲百千為山長脩脯劉郡守璫改曰

文達以前撫阮文達公嘗駐此也光緒廿八年韓邑令銓

添撥官款改立學堂名曰筠美附設文達初等小學成立
民國
平餘官款均提入
官不復為筠美有

路橋賓興同治十年 先大夫同里人捐立石曲李旭東
首捐田三十畝殫心經理歷有購添共田三百餘畝歲收
租穀為鄉會試士子旅費光緒廿八年建祠於關廟之側
樓屋七楹平屋二架置倉貯穀擇人輪收每歲重陽設祭
會飲

明文賓興咸豐元年 先大夫同里人倡立歲令道人檢
收字紙築爐焚之陸續置田四十畝歲收租息分給會中
子弟應試川資光緒戊申建祠岳廟之後
樓屋三楹後臨
河水扁曰鑑堂

志上

每年上己設祭子弟餼之
今設小學於內名曰明文

於氏賓興道光時於為勉捐田百畝歲收租息分給應試
者城誕云為勉無子取妾不容於嫡後至府
城見其前妾有子三人乃捐田於公

石曲賓興同治中蔡魯封等捐設有田八十餘畝

義倉光緒十年五保分設後為經董侵蝕
流年米貴仍由
惟郵亭三橋二
保至今尚存

新安水龍會光緒癸巳倡立因里多火災釀資購置水龍
募人習用以備不虞餘錢百千存舖生息以資脩理

義濟社光緒十五年立里人以貧民道殣無地掩埋率錢
施槥買地石研山下收築叢冢新建堂屋五間曰孤魂祠

清明中元作盂蘭會有田廿六畝餘店屋五間收租給費
丁孟亦有義冢及祠

四仁公所宣統元年立予以鰥寡孤獨貧苦艱難倡捐田
四十畝勸各殷戶亦各捐田共得二百畝每人月給米一
斗以資救生其穀與各項公租同貯岳廟擇人經營

同善堂光緒乙巳年曾巡檢晉奉以旅人救病無所率錢
作室捐舍葯材在南柵廟東

恤嫠會道光間里人以吳孝廉病殤孀妻乏食捐穀濟之
後乃推及文生之孀婦歲給穀石或稱吳義捐從其朔也
近數十年士民善舉可紀者如右其他酬神張燈演劇

志上

八

之會不具書也

商會設南柵廟舊商畏官情不能達今立會公斷權得自
由而商務反難振費用實蘇商情益渙矣

郵政局由海門分設代送信件省費便民乃仿行新政之
最善者

防營光緒六年臨海王金滿叛亂土匪應之漸肆劫掠
先大夫請官撥兵駐防統領羅大椿分哨來鎮十二年統

領楊岐珍改駐海門以王營官釐駐此遂為重鎮王營官常獲巨

匪劇宴而匪徒溷入劫商於是五保立柵門添保甲且紛之矣

警察所在舊址檢署巡士三十人後裁十人改稱分所光緒三十二

平邑令周延祚奉文創設鎮故有保甲局冬月巡防五保
紳董經理籌捐至是改立警察日夕巡眈禁止鬥毆周禮注
有街彈室賈疏云在街置室檢鄭注後由省官委辦商民派捐
彈一里之民金石錄有街彈碑
蓋仿外洋新政以保治安而未建也

自治公所在明文祠為議事會集之地近罷由縣委一員理事名曰自治分

駐宣統元年奉諭城鄉分立路橋合螺洋白楓洪洋各村
為一鎮環山百十六座南至太平潭國界凡一萬三百四十四戶五萬五百餘丁口

右軍墨池在妙智寺後舊志云右軍守永嘉時過此滌硯
而墨池存焉盧廷幹曰考晉史羲之自秘書郎至為右軍
將軍會稽內史中間並無守永嘉事志書蓋因傳述之誤

志上

九

然晉書云右軍既去官與東土人士盡山水之游以弋釣
為娛遍游東中諸郡名山泛滄海或於游歷之餘臨池遺
跡如天台之華頂峰也藝文類聚太平御覽引右軍游四
岸及與上皆生松故名葉海峰集言松門有右軍撰記由
天台至松門則必經路橋也

附舊作

右軍書法天下奇至今到處傳墨池一勺源泉豈足道

千秋品概真堪師晉人清談成禍水斥除虛誕有深理

蘭亭序斥講老莊學後人稱之殷浩好名何自誇王述庸愚誠可鄙誓

墓歸來且縱游東州山水窮清幽天台眺望松門近勝

迹居然此地留我亦臨池慚懶拙摩挲遺墨欽名節况

復題詩有趙清王忠當今古刹稱三絕

郡馬墳在小岳王山塋域甚寬碑志無攷近人於塋有拙

縣志引鄭元祐白雲漫士墓誌云太學錄陶應雷元初自

桃溪始遷築室青陽生子煜號白雲漫士又號道輿山人

配宗室趙孟本女墓道岳之原三子長宗儀字九成今清

陽陶氏猶盛在小岳山東或即九成之父墓歟宋濂集桃

清陽陶作陶陽王氏譜云王成王尚寧宗女按宋史寧宗

一女早殤謬可知也趙氏墓在石曲街外石刻有光祿大夫字太平志云趙太

守崇賢父未菴嘗拜洪洋祖墓於石曲西池內拾古甌文

云若欲趙氏重整門臺直待金水人來已生太守辛癸年

志上

月適符金水之讖

方國珍故居在石曲東方家現國璋墓碑父伯奇賣鹽為

業有子五人長國馨次國璋國珍國瑛國珉受元官職各

據一方有慶元台温三路視錢氏十四州雖不扣亦稱霸

一世嘗於羽山建文獻書院庭集羽一特名士多從之游子

弟亦有才名迥非陳友諒輩所能及其西南有四衙橋又

南有三衙橋屬太平皆方氏兄弟作又有走馬岡在新噴

有詩皆其遺跡也

陳鑿錯菴詩存洪洋西有水通方家現蟠曲如龍詩曰

天龍不在水龍不在天上天雨勿用不扣仍在田真

龍矯去不返水底有龍未開眼龍方龍方果有靈何必作此蜿蜒形

全祖望言國珍在甯自居都元帥府別建二府以及國璋三府以居國瑛四府以居國珉今洋嶼亦有四府橋三衙四衙猶言三府四府而已

劉致中故宅在弓橋外石門尚存子姓散居猶稱望族包昶故宅在大人山東麓虎頭山下俗呼下包昶自上書遣戍歸老於鄉

江道之故宅在大人山西麓前對旗山鼓山後枕南河庶常授職已六十餘歲未散館殤於京邸可惜也

志上

十一

按太平志李都憲匡長嶼人嘗居南柵後徙城內西街故址無攷

岳廟北徐姓屋宋時造柱方室低有乾道六年契大抵宋明所造皆卑下蓋由近海多風故也 附記

陶氏際平堂在南柵廟東數十步有解元扁 陶定國立武 嘉慶

五年巡撫阮文達公治海防過此留宿為題堂扁 八十分

年正月邑令趙振鼎強買富人倉穀民詈之詳稱毆官械各富人至省及訊阮公憶舊事得未減而以非時抑勒劾

令去官後屋燬於火陶氏猶守此扁云 按阮公原奏言於良美及武舉陶定

國武生蔡文榜等蔡步青有杭州候訊題蔡碩夫云時陶最富有六十萬蔡於亦富於某性黠聳人抗官官未則入

城故得
漏網云

李氏敦說樓在石曲李靜軒明經自滇解組歸築樓藏書
著述甚富日設長几夜燃巨燭繙閱羣書父子俱以經明
行脩間樓後燬

蔡氏是亦園在石曲蔡博軒家頗富於所居南倚水榭屋
種花滿畦其子申甫孝廉好客能詩亦擅一時之勝
是亦園春日 見盟水齋集 蔡燕綦

繞岸新栽竹數竿竹陰濃處倚闌干小亭日煖花初放
時有游人竹外看

一簾花影壓重重連日尋芳夢亦慵醉後不知佳客去

志上

十三

隔林又打夕陽鐘

枕泉亭下作

芙蓉照水開自弄娟姿安紅情與綠意搖漾盈芳池翠
鳥戛然來隔葉時相窺游魚亦多情出没尾參差對此
愜幽賞呼僮具酒卮欲與花為徒骨俗猶自疑花如解
人意弄影臨清漪含睇動人憐不語動人思頽然不覺
醉明月上罌罍

游是亦園

杭州陳元鼎

捷徑終南謝輿援家屋小築亦名園賞心自寄琴書樂
俗耳難容箏笛喧對戶嵐光開畫幘入簾花氣撲吟樽

此中日涉真成趣印遍階前碧藓痕
宦轍慚余逐輭塵湖山何處乞閑身
來隨西澗吟香屐醉脫東籬漉酒巾
看竹子猷忘問主撤茅士行愛留賓
無緣得共巡檐笑辜負梅花一樹春

天台李國梁

扣君瀟洒出風塵泉石烟雲偶寄身
隴外梅開添謝藻甕頭酒熟漉陶巾
蹴花燕至尋新壘看竹人來認舊賓
我亦卜居西澗畔平分造物一般春

臨海張岱

昔我至石曲勝境羨窈渺及我接蔡澤
軼俗抗物表大

志上

十三

器不可限德義乃素飽廣宅果曠廓
粹潔睹鑊沼一水甚激灑萬卉極繚繞
岸嶠挺獨鷺石罅聳翠篠地主重友誼
酌酒到介紹轉瞬越十載短夢尚欲遠
此境總在目結契未肯了莫謂斗室小
雅趣孰共曉祇此可日涉是亦濁世少

尚存
文魁坊在新安橋上明成化時為劉致中
立今坊圯而石

百歲坊咸豐元年為鄭椿齡立在河西街外

樂善好施坊在河西光緒三十一年巡撫
聶緝槩奏壽昌訓導楊友聲捐銀千二百兩
脩治濟路使人奉旨給立

忠孝節義碑在岳廟前按縣志所載本里忠臣三人孝子
二人孝婦二人守節貞烈婦女未建坊者八十五人義士
三人合刻一碑以表揚之

志上

十四